



SAOPĆENJE ZA JAVNOST

20. april 2022.

Pravosnažna presuda

110 godina za otmicu i ubistvo Edina Zejčirovića

Tužilaštvo Brčko distrikta BiH dokazalo je optužbe protiv Suana Halilovića, Samida Šabanovića, Nihada Hukića i Suvada Djedovića optuženih za otmicu i svirepo ubistvo Edina Zejčirovića. Nakon žalbenog postupka pred Apelacionim sudom Distrikta, oni su pravosnažno osuđeni za teško ubistvo, kojem su prethodili otmica te agresivno i bezobzirno mučenje žrtve, na ukupno 110 godina zatvora. Prvooptuženom Haliloviću potvrđena je jedinstvena kazna dugotrajnog zatvora od 36 godina. S druge strane, Hukiću i Djedoviću jedinstvene kazne izrečene prvostepenom presudom smanjene su za po četiri godine, pa je Hukić pravosnažno osuđen na 28, a Djedović na 26 godina dugotrajnog zatvora. Optuženom Šabanoviću, koji u vrijeme izvršenja krivičnih djela nije imao godine života potrebne za izricanje dugotrajnog zatvora, Apelacioni sud potvrdio je jedinstvenu kaznu zatvora od 20 godina.

Optužnicu protiv njih Tužilaštvo Distrikta podiglo je 8. maja 2020. godine optuživši ih da su 17. novembra 2019. godine, po prethodnom dogovoru, a nakon što ih je prvooptuženi okupio, oveli i potom do smrti pretukli i mučili Edina Zejčirovića. Kako je navedeno u optužnici, njega je Djedović najprije telefonom pozvao u ugostiteljski objekat *Stela*, gdje su ga namamili u vozilo Halilovića, a potom ga vozeći po gradu udarali tražeći da prvooptuženom vrati dug od oko dvije hiljade KM. Zaustavivši se na obali rijeke Save kod naselja Vučilovac, oštećenog su izvukli iz vozila na nasip i zajedno nogama i pesnicama udarali po tijelu i glavi, usljed čega se skotrljao sa nasipa. Šutirajući ga, gazeći i sve to naizmjenično snimajući telefonskim aparatom oštećenog su nastavili udarati da bi ga drugooptuženi šutirajući u glavu bacio u Savu. Pošto ga je Djedović izvukao iz vode, žrtvu su nastavili mučiti - Hukić udarcima elektrošokerom u glavu, Halilović pritiskanjem prsta šake kombiniranim i uriniranjem po njegovom ležećem tijelu, a Šabanović udarcima nogu i ponovnim bacanjem u rijeku, nakon čega su se vozilom udaljili ostavivši bespomoćnu žrtvu da se utopi - zaključeno je u optužnici ([link na optužnicu](#)). U postupku protiv optuženih utvrđeno je da bi oštećeni preminuo već usljed nanesenih povreda i u slučaju blagovremene ljekarske intervencije.

Tokom suđenja Tužilaštvo je isticalo da je usljed brojnosti nanesenih povreda Edin trpio jake fizičke bolove, te da je konstantno imao strah visokog intenziteta uz osjećaj životne ugroženosti. Ukazavši na upornost izvršilaca u počinjenju krivičnog djela i njihovu bezobzirnost i agresivnost koja se ogledala i u ponižavajućem ponašanju prema žrtvi, prvenstveno od strane Halilovića, Tužilaštvo je zatražilo izricanje kazni dugotrajnog zatvora za njega, Hukića i Djedovića. Za Šabanovića koji u vrijeme izvršenja krivičnih djela nije imao dvadeset jednu godinu života, Tužilaštvo je zatražilo izricanje zatvorske kazne u visini zakonskog maksimuma od dvadeset godina. Ocijenivši dokazanim njihovu krivicu, Osnovni sud Distrikta ih je po Krivičnom zakonu Distrikta prvostepeno osudio za krivična djela otmice, počinjeno u sastavu grupe (*iz člana 177 stav (2)*), i ubistva - na svirep način (*iz člana 163 stav (2) tačka 1*). Po žalbama odbrane prvostepena presuda izmijenjena je u odluci o kazni Hukiću i Djedoviću smanjenjem za po četiri godine, dok je u slučaju Halilovića i Šabanovića prvostepena presuda ostala neizmijenjena.

GLAVNI TUŽILAC
ZEKERIJA MUJKANović

INFOGRAFIKA: KRIVIČNA
DJELA I IZREČENE KAZNE

OPTUŽENI	UTVRĐENE POJEDINAČNE KAZNE (GODINE)		IZREČENA JEDINSTVENA KAZNA (GODINE)
	UBISTVO	OTMICA	
SUAN HALILOVIĆ	35	3	36
NIHAD HUKIĆ	27	2	28
SUVAD DJEDOVIĆ	25	2	26
SAMID ŠABANOVIĆ	18	3	20
UKUPNO	105	10	110